

**Wáraga bi Páwulo eké zí 'yì ga
bi simi
Éfeso
ní
Ledre gi ro búkụ bi Éfeso ní**

Éfeso ni kóo ngúru mongú gara simi bi káṅgá bi karaba ndịsini ndólo a Tákí ní m'ídí gólụ. Simi Moko 'bi 'Yimikása e kápita 19 Páwulo ndịsị kóo íri simibi ota ndịsị 'dódo ledre 'bi Lomo zí 'yì e íri. Zí 'yì ga bi simi gara ore kí yée ga bi simi ngíti géyì bi ga bi gbóo gbóo ore mbá ṅṅṅṅu ledre 'bi Kírésìto. Nda gi do kací a née simi bi otoní Páwulo simi sịgini simi Róma ní, zía eké ledre ba zíye kídí Lomo yeme ne gi ro zíye ṅṅṅṅu ledre ené gi ro zíye ówo a kídí Kírésìto ni ne Ngére do éyì ga bi do sogo káṅgá ba kí yée ga bi komo ere ní za mbá.

Simi kápita 1-3 Páwulo uku yeme kídí Lomo yeme ledre ne gi ro zí Kírésìto ógụ úyuné simi lúyú ledre eyé gi ro zíye ómoyé simi miúrúye ndro kí Yésu simi bi ni úrú gi simi umbu ní. Nda simi kápita 4-6 uku ledre zí 'yì ga bi 'bi Kírésìto ní idíní ndịsị bilámáne tí káa zí 'yì ga bi ṅṅṅṅuní ledre kírésìto ndịsini ndịsị ní.

¹ Maa Páwulo bi Lomo gelé maa káa do 'yimikása 'bi Kírésìto Yésu ní.

Máéké ledre ba máa zíse 'yì ga bi 'bì Lomo bi ñgúṅgusé ledre 'bì Kírésìto ásé simi gara bi Éfeso ní.

² Buzé Lomo kí Kírésìto Yésu Ngére ezé, idíní ówo ledre kíse, zíye méngì bilámá ledre zíse gi do bi zíse ndíṣìsé bilámáse.

Úndru bi gi komo ere ní

³ Idízé í'bì mbófo éyì zí Lomo bi 'Bù Kírésìto Yésu Ngére ezé ní, gi zía í'bì úndru bi gi komo ere ní go mbá zíse, gi zía azé 'yì ga bi 'bì Kírésìto ní.

⁴ Wo Lomo, uku kóo go 'desì zí Kírésìto idí gélé zée zíne, zíse ídíze drá do komoné lúyú ledre ndaá rozé wá, gi zía bi oto 'búze go ní. Yeme kóo ledre née go 'desì simi bi kóo otoogu aka do sogo káṅgá ba wá ní. ⁵ Ledre bi kóo yeme gi ro zíse ídíze káa do owú 'bì enée kpurú gi simi umbu bi Kírésìto Yésu uyu gi rozé ní, oyólo'bó ené e wá, ni kóo kí mongú rokinyi gi roa.

⁶ Idízé í'bì mbófo zí Lomo gi zí bilámá ledre bi méngì wo zíse, gi zía ṅṅṅguzé ledre owú 'bì ené bi 'búa ofu doa go ní go. ⁷ Kírésìto í'bì roné úyuné gi rozé gi ro zí Lomo líkpí zée gi do ká'dá 'bì lúyú ledre gi zía otoomo ledre go zíse, gi zí bilámá mimbé'dea bi rozé ní. ⁸ Lomo méngì ledre née kenée gi ro zíse ówo a kídí née otoofu 'búze go, née ni kpá 'yì í'bì ówo ledre gi ro ledre e mbá zíse. ⁹ Míyème ledre 'bì Lomo bi ni miótoécíné gi zíse ní, 'dodo go zíse. Lomo ma'dáa ni kí rokinyi zía kása ógu Yésu méngì ledre bi kóo otoeci wo née. ¹⁰ Ba míyème ledre ma'dáa. Togú sındí kadra utúasá go kací komo

Lomo yá, zí Kírésìto ídìne Ngére do éyì e mbá, yée ga bì komo ere kí yée ga bì do sogo káṅgá ní.

¹¹ Lomo gelé kóo zée Yúda e go 'desì káa do 'yì ené e gì zía azé go kíé'do kí Kírésìto. Éyì bì Lomo yeme go ní, ni tí méngì a. ¹² Gì zí keyì nées, ni miútúásáne zí 'yì e í'bí mbófo éyì zí Lomo, gì zía ṅuṅgu ɔtuzé ledre Kírésìto ze gì zí ngítì géyì 'yì e mbá. ¹³ Bì ba ní, sée ga bì ngára ndásé Yúda e wá ní, úwúsé ma'díi ledre go kí mbílise, kídí Lomo yomo sée go. Gì zía bì ṅuṅgusé bilámá ledre 'bì Kírésìto go ní, zí Lomo kása 'Dówúne ógu ndìshíné simisé káa zí bì uku ní, gì ro do ówo a kídí ásé go 'yì ené e za fí. ¹⁴ 'Dówú Lomo bì kasa simizé ní, 'dodo go kídí bilámá ledre ga bì yeme yée ní ni méngì yée zize za mbá. Gì zí keyì nées, idízé ndìshì kófó ìrìà kpá kí óto úndru a.

Páwulo ìni ìni zí Lomo

¹⁵ Máúwú go kídí ṅuṅgusé ledre Ngére Yésu go, ndìshìsé kpá go óto 'bú lafúse 'yì ga bì 'bì Kírésìto ní. ¹⁶ Gì zí keyì nées, kací kadra mbá zíma ndìshímá í'bí mbófo éyì zí Lomo gì rosé simì bì mááyí go ndìshì ìni ìni zía ní. ¹⁷ Mándìshì ìni ìni zí 'Buzé Lomo bì kí roko'buné, bì kpá 'Bu Kírésìto Yésu Ngére ezé ní, idí í'bí komokenzì bì gì komo ere ní zise gì ro zise ówoyème ledre ené kíe. ¹⁸ Mándìshì kpá ìni ìni zía, idí líkpí mbotu mimbé'desé gì ro zise ówo a kídí rokinyi bì yemeomo gì rosé kí ngítì géyì lafúse ní, ni kí ledrené owóowó. Ídísé ówo a kídí í'bí mongú

úndru go zise 'yì ené e. ¹⁹ Ídísé kpá ówo a kídí Lomo i'bí mongú roko'bu go zize ga bi ɲuɲuzé ledre Kírésito go ní. ²⁰ Née roko'bu bi kóo uru Kírésito kíe, zía 'dí'bióto wo zíye ndísiyé kéne do bi bi kí ledrené owóowó bi komo ere ní. ²¹ Lomo i'bí roko'bu go zí Kírésito ídine Ngére do 'yì ga bi kí roko'bu zíye kpá kí ngíti géyì éyì ga bi komo ere kí roko'bu zíye ní mbá. Ni Ngére do éyì trɪdrɪ e do sogo káɲgá za mbá, yée ga bi niyí go bo kpá kí yée ga bi niyí ídí karanée ní. ²² Ma'díi, Kírésito ni go Ngére do éyì e za mbá. Ni kpá Ngére do 'yì ga bi ɲuɲuní ledre ené go ní. ²³ 'Yì ga bi ɲuɲuní ledre Kírésito go ní, niyí go kuɾu'bu Kírésito ma'dáa. Zía ndísiné kéye ndro komo ere kpá do sogo káɲgá ndisi í'bí roko'bu zíye gi ro ledre e za mbá.

2

Lomo i'bí trɪdrɪ go zize

¹ Ásé kóo go mbá umbusé gi zí lúyú ledre esé zí Lomo. ² Ndísiyé yì esé kóo méngi mbá ledre 'bi 'yì 'bi do sogo káɲgá e, zise ndísiyé óto úndru Satána bi ni ngére 'bi bicayi lomo e bi kí roko'buné do 'yì ga bi ɲuɲuní ledre 'bi Lomo wá ní. ³ Azé kóo kpá kenée, ndísiyé kóo méngi mbá ledre ga bi rozé kí somú ledre ezé iliní yée ní. Otozé kóo mimbé'de Lomo go ésine rozé. Ayí kóo go í'bí 'do'dó rozé káa zí 'bi 'yì ga bi kóo ɲuɲuní ledre ené wá ní. ⁴ Nda lá gi zía bi 'búze ni doa kíngaya ní, zía ndísiné ówo ledre kíze. ⁵ Abú uyuzé kóo go gi zí lúyú ledre ezé yá, bi nda ba ní, gi zía bi azé go 'yì ga bi 'bi

Kírésìto ní, Lomo i'bí trìdri go zíze simi bì kóo uru Kírésìto gí simi umbu ní. Yomo zée gí zí bilámá mimbé'dea bì rozé ní. ⁶ Gí zía bì uru kotru zée gí simi umbu ndro kí Kírésìto ní, i'bí bì ndìsì go zíze cigí Kírésìto Yésu komo ere 'dága. ⁷ Lomo oto ledre née zía méngì roné kenée, gí ro 'dódo a kídí née ìdri mimbé'dené go rozé. Owo ledre kíze kenée née, gí zía bì Kírésìto Yésu uyu gí rozé ní. ⁸ Máúku zíse, Lomo yomo ené sée née gí zí bilámá miméngì ledre esé wá, yí ené tákpásìlì gí zía kí bilámá mimbé'dea bì rosé gí zía bì ñgúnḡusé ledre ené ní. ⁹ Ómo bì omozé gí simi umbu née ndaá 'bì ené gí zí bilámá miméngì ledre ezé wá, gí zí keyì née ní, sì ledre bì zí 'yì mbófo roné ní ndaá. ¹⁰ Zée 'yì ga bì 'bì Kírésìto Yésu ní, Lomo otù zée zía í'bí moko ené ga bì ili zíze méngì yée ní mbá zíze. Yemeomo kóo ledre máa ga gére née go kú 'desì.

Kírésìto kotru zée go

¹¹ Sée ga bì ngára ndásé Yúda e wá ní, ledre mindìsìsè ga bì kóo 'dá'dá ní ndaá lìgì sée wá. Yúda e ndìsìní kóo lúru cáyi sée ga bì útúsé ngburu káa zí 'bì eyé wá ní. Ídísé ówo a kídí útú ngburu utúasá ené í'bí trìdri zí 'yì wá. ¹² Ga kóo 'desì ní, ówosé aka esé kóo ledre 'bì Kírésìto wá. Lomo gelé ené aka kóo sée zía óto sée dongará 'yì ené e Isiréle e kpá wá. Ówosé aka esé ledre bì kóo Lomo yeme kí 'yì ené e ní wá. Éyì bì zíse óto komosé gí ro a ní ndaá gí zía ówosé aka esé Lomo wá. ¹³ Bì nda ba ní, Lomo 'di'biogu sée go

truú roné gi zía bi Kírésìto Yésu uyu kóo gi ro yómo sée ní.

¹⁴ Karaba ní, Yúda e kí 'yì ga bi ndaní Yúda e wá ní ndaní lolu m̀ingúngúcuá wá, niyí nda go dujú 'yì e k̀ié'do, gi zía Kírésìto yeme ledre bi kóo dongaráye ní go gi ro zí m̀imbé'de k̀ésì bi kóo dongaráye ní ùkúne. ¹⁵ Kírésìto uyu gi ro zí lorù 'bi ondu 'bi Yúda e bi kóo Músa eké ní ùkúne 'dá'ba, gi ro zí Yúda e kí 'yì ga bi ndaní Yúda e wá ní ídíye k̀ié'do zí m̀ind̀isìyè ídíne bilámáne. ¹⁶ Umbu bi Kírésìto uyu wo do m̀ingb̀ungbu kágá ní 'di'bioyó sógó ro bi kóo do ngára Yúda e kí 'yì ga bi ngára ndaní Yúda e wá ní go, gi zía niyí go 'yì e k̀ié'do kó'dù Lomo. 'Di'biogu kpá bik̀idrí go dongaráze 'yìma'dí e kí Lomo. ¹⁷ Kírésìto ogù úku bilámá ledre 'bi bik̀idrí zí Yúda ga bi kóo owoní ledre 'bi Lomo go ní kpá zise 'yì ga bi ngára ndaní Yúda e wá ní bi ówosé aka ledre 'bi Lomo wá ní. ¹⁸ Gi zí umbu bi Kírésìto uyu ní, 'Dówù Lomo oto zée go zize ídíze dujú 'yì e k̀ié'do kó'dù 'Buzé Lomo.

¹⁹ Sée 'yì ga bi ngára ndásé Yúda e wá ní, ndásé lolu fú lá 'yì lóǹgó e wá, ásé go k̀ié'do kí 'yì ga bi ǹgununí ledre 'bi Lomo go ní, ásé go m̀bigí 'yì 'bi Lomo. ²⁰ Ásé káa zí 'd̀icì bi 'yìmíkása e kí ǹbì e o'bóní ye ní, Kírésìto Yésu ni nda 'bi ené káa zí cóngó tutú bi o'bóní 'd̀icì máa née doa ní. ²¹ Kírésìto ma'dáa i'bí roko'bu ne zí 'd̀icì máa née ídíne r̀ingí m̀bigí 'D̀icì 'bi Lomo. ²² Sée 'yì ga bi ngára ndásé Yúda e wá ní, ásé go ndro kí Yúda ga bi ǹgununí ledre 'bi Kírésìto go ní, gi zía Kírésìto yeme sée go gi ro

zí 'Dówú Lomo ndìşiné simisé.

3

Moko bi Lomo i'bí zí Páwulo méngi a ní

¹ Maa Páwulo, mááyí simi sígini ba gi zía bi mándişi úku bilámá ledre 'bi Kírésito Yésu zise ga bi ndásé Yúda e wá ní.

² Úwúsé kóo go bilámáne kídí Lomo i'bí moko née ne do şilma gi ro zíma ndişimá úku bilámá ledre bi yeme gi rosé ní zise ga bi ngára ndásé Yúda e wá ní, gi zía oto 'búze go kینگaya. ³ Kaa zí bi máuku 'dá'dá ní, Lomo 'dodo ledre bi kóo ni miótoécine 'desi ní go zíma. ⁴ Simi bi áse ólo ledre bi máéké zise ba ní, áse ówo a kídí, máówoyeme ledre bi ni miótoécine gi ro Kírésito ní go. ⁵ Ledre bi kóo Lomo otoeci née 'dodo aka ené kóo zí 'yi e wá, gi simi şindí kadra máa 'bi ezé ba ní, zí 'Dówú Lomo úku 'dódo a zí 'yimikása ené e kí nébi e. ⁶ Ba ledre bi kóo Lomo otoeci ní. Úndru 'bi Lomo ni go zí 'yi e mbá, zí Yúda e kpá kí 'yi ga bi ngára ndaní Yúda e wá ní. Bilámá ledre bi gi ro Kírésito Yésu ní, ogu go zí Yúda e kí 'yi ga bi ngára ndaní Yúda e wá ní mbá.

⁷ Lomo i'bí moko née zíma gi zí bilámá mimbé'dea bi romá ní. Zía í'bí roko'bu zíma ndişimá úku bilámá ledre ené kie zí 'yi e. ⁸ Mándá 'bi amá kí ledremá owóowó kaa zí 'bi ngíti géyi 'yi ga bi 'bi Lomo kí ledreyé owóowó ní wá. Abú kenée ndotó, zía ówo ledre kíma, zía kása máa ndéré úku bilámá ledre ené zí 'yi ga bi ngára ndaní Yúda e wá ní kídí, togú ngununí

ledre Kírésito go yá, niyí ídí kí úndru bi ụkụ wá ní. ⁹ Lomo bi 'yi ótoógu éyí e mbá ní, kasa máa ne ndéré úku 'dódo miyéme ledre bi kóo nées otoeci gi zí 'yi e ní, gi ro zíye ówo a. ¹⁰ Lomo mengi ledre nées kenées, gi ro zí maláyika e kí bicayi lomo e ówo a kídí Lomo ni mongú 'yi ówo ledre kóngaya, gi zía 'yi ené e niyí go éyí kí'edo. ¹¹ Lomo yeme kóo ledre nées go kenées kú 'desi. Zí Kírésito Yésu bi ni Ngére ezé ní ógu úyuné gi ro zí ledre nées méngi roné. ¹² Gi zía bi ụnguzé ledre Kírésito go ní, azé kéne go ndro kí'edo, utúasázé go ógu kó'dú Lomo kí rokinyi, ngiri ndaá lolu rozé wá. ¹³ Bi ndaá síní rosé gi zía bi ndisini 'dó'do máa yáa ba gi zía bi mándisi úku bilámá ledre 'bi Lomo zise ní wá. 'Do'do nées ni 'dí'biogu zise bilámá ledre.

Páwulo ini ini gi ro 'yi ga bi 'bi Kírésito ní

¹⁴ Gi zí keyi nées, zíma ndisimá ini ini zí 'Buzé Lomo, ¹⁵ gi zía i'bí tridri ne zí éyí ga bi komo ere kí yée ga bi do sogo kángá ona ní. ¹⁶ Lomo ni kí tú'dú éyí e zíne gi ro sáká zée kie. Máini ini zía, 'Dówúa idí i'bí roko'bu zise, gi ro zise idise kí roko'busé kóngaya. ¹⁷ Kací kadra mbá, Kírésito idí idí simi yana mimbé'desé gi zía ụnguzé ledre ené go. Ídisé oto 'bú lafúse kóngaya gi ro zise idise kí roko'busé. ¹⁸ Sée 'yi ga bi 'bi Kírésito ní kí lafúse e za mbá, Lomo idí sáká sée zise ówo a kídí ma'dii Kírésito oto 'búse go kóngaya. ¹⁹ Ídisé ówo a kídí Kírésito oto 'búse go za kóngaya abú bi ni miórune gi ro do ówoónzó a.

Máini ini zía, idí ndịsị simísé, gị ro zí miméngị ledre esé ídíye káa zí 'bì ené ní.

²⁰ Lomo nì kí roko'buné kíngaya gị ro méngị ledre e kíe zíze rómo do éyí ga bì zée kí ówo ledre ezé azé ndú'yú wo gị royé ní. Nì nziyiné gị ro méngị ledre e zíze kí roko'buné máa née.

²¹ Kírésịto Yésu kí 'yì ené e mbá, idíní ndịsị í'bì mbófo éyí zía odu a ndaá ídí wá. Idí kenée.

4

Ídísé ídí kíé'do simi Kírésịto

¹ Máa Páwulo, mááyí simi sịgịnị ba gị zía bì mándịsị úku bilámá ledre 'bì Ngére Yésu ní. Máuku zise mindịsịsé kí miméngị ledre esé e mbá idíní ídí tí 'bì 'yì ga bì Lomo gelé yée go káa do mbigí 'yì ené e ní. ² Kací kadra mbá, ídísé 'búó'bú rosé mì'búó'bú, ídísé ídí ndoo. Ídísé ídí 'yì útụsimi zí lafúse gị zía 'búye nì dosé. ³ Zise ódó rosé kí lafúse káa do éyí kíé'do. 'Dówú Lomo idí kótrụ sée gị ro zí mimbé'desé ídíne kíé'do gị do bì zí mindịsịsé ídíne simi bikịdrị. ⁴ Azé go éyí kíé'do, 'Dówú Lomo bì simizé ní nì kpá dụú kíé'do. Lomo ndolo zée dụú gị ro bilámá éyí kíé'do bì ndịsịzé óto komozé gị roa ní. ⁵ Ngére ezé nì dụú kíé'do bì nì Kírésịto ní, zíze ngúngu dụú ledrea, do bábátizị zée kpá dụú kí babatiza bì kíé'do ní. ⁶ Lomo nì dụú kíé'do kpá 'Bụ 'yì e za mbá. Nì ne do 'yì e kpá za mbá, ndịsị sáká zée ne zíze ndịsị tórozé ngbúó gị zía ndịsị ndịsị simizé.

⁷ Kírésịto kací miyéme ledre ené zíze, i'bì úndru ledre e zíze go mbá mingúngúcu. ⁸ Née

sí ledre bi ni miékéne gi zía simi miéké kúru Lomo kídí,

“Simi bi koo ñnyí ndá'bané komo ere ní,

'dodo aka koo kí kídí née romo komo ezeokóne e go.

Zía nda ífi báyi úndru zí 'yì ené e.”

⁹ Ledre bi yaá, “Inyi ndá'bané komo ere ní,” ledre gi simi a kídí oḡu aka koo nde do sogo káṅgá ona kí. ¹⁰ Kírésito koo oḡu nde do sogo káṅgá ní, nda'balugu roné 'dága komo ere. Roko'bua ni do éyí ga bi komo ere kí do sogo káṅgá ní mbá.

¹¹ I'bí bayi moko e ne zíze. Oto ngíti géyi 'yì e káa do 'yimikása ené e. Zía óto ngíti géyi káa do nébi e. Zía óto ngíti géyi káa do 'yì ndéré kí úku bilámá ledre ené zí 'yì e. Ngíti géyi 'bi eyé pásita e. Zía óto ngíti géyi káa 'yì 'dodo ledre e.

¹² Kírésito ifi bayi moko zí 'yì ga gére née kenée gi ro zíye sáká 'yì ga bi ṅuṅṅuní ledre ené go ní zíye ídíye kí roko'búyé gi ro zíye ndísiyé méngi moko ené do tóroyé ngbúo simi ṅuṅṅu ledre eyé. ¹³ Ledre née ni ídí fú kenée 'búo toḡú zée 'yì ga bi 'bi Kírésito ní mbá, azé go kié'do simi ledre ené bi ṅuṅṅuzé ní, zíze ówoyéme wo káa do mbigí Owú 'bi Lomo zí ledre ené ndísi ngbóro tátá roné simizé yá, azé útúásá ídíze káa zía ní.

¹⁴ Nda gi ore, 'yì ɾanga e utúasání lolu lóndo zée káa zí minzéré owú ga bi ṅuṅṅuní 'bi eyé tí lá ledre máa wo bi ukuní go zíye ní wá. ¹⁵ Ambá ledre ezé ídí ídí 'dódo ma'díi ledre 'bi Lomo zí 'yì e, zíze ndísizé kí óto 'búye. Gi ro zíze ndísi

útúásáze kací kadra mbá, tí káa do mbigí 'yì ga bi 'bì Kírésìto bi ni manda ezé ní. ¹⁶ Gí zía tokozé rozé go mbá roa, ni nda 'bì ené zíze go káa zì do ní. Ndìsì í'bí roko'bù ne zíze, zíze ìnyizé mbá ndìsì méngì moko ené kíe do bilámá misi'diné.

Miméngì ledre esé idí nda mu idí mikándané

¹⁷ Kí roko'bù bi Ngére Yésu i'bí zíma ní, máúku zíze ndásé lolu fú lá ndìsì lúyú ledre káa zì 'yì ga bi owoní aka ledre 'bì Lomo wá ní wá, gí zía sómú ledre eyé toro yeme aka roné wá. ¹⁸ Owoní eyé dongará bilámá ledre kí bisinyí ledre wá, mikánda ledre bi Lomo i'bíogù zíye ba owoní aka eyé e wá. Iliní eyé kpá do 'dódo mikánda ledre zíye wá. ¹⁹ Otoní nda yì eyé somú ledre eyé go mbá ndìsì méngì dujú ledre ga bi royé ili ní.

²⁰ Ledre 'bì Kírésìto bi 'dodoní zíze ní ndaá 'bì ené ledre máa wo née wá. ²¹ Úwúsé kóo ledre Yésu go, 'dodoní zíze tí ma'díi bi gí do bi a ní ²² 'Dodoní kóo zíze kídí ledre ga bi kóo ndìsìsé méngì yée simi bi kóo ñgúngusé aka ledre Kírésìto wá ní, idísé ótoómo yée mbá 'dá'ba gí zía, niyí lóndo sée zíye 'dí'bíogù zíze umbu. ²³ Misómú ledre esé kí miméngì ledre esé idí nda mu idí mbá mikándané. ²⁴ Káa zì bi áse nda go mikánda 'yì e ní, ledre ga bi za mbá áse ndìsì méngì yée ní, idíní idí kpá za mbá mikándayé gí ro zíze idíse mbigí 'yì ga bi 'bì Lomo ní lúyú ledre ndaá lolu rosé wá.

²⁵ Ndazé lolu idí fú 'yì ɽanga e wá, idízé ndìsì úku dujú ma'díi ledre zì lafúze 'yì ga bi 'bì Kírésìto ní gí zía azé go dujú 'yì e kíe'do.

26 “Simikesi eyi ndaa oto yi ziyi luyú ledre wá.” Ndá ndisiútú kadra kí simikesi do mimbé'deyi wá. 27 Ndá otoómo misi'di zí ngére 'bi bicayi lomo e wá. 28 Yi bi ayi 'yi ugu ní, idi otoómo kí ugu ugu, ziyi ndá'bayi mengi moko gi ro zí eyi idine ziyi, ziyi ndisiyi sáká 'yi lerí e.

29 Idisé otoómo tara sinyi 'dá'ba, ódro ga bi gi tarasé ní idini idi mbá bilámáye gi ro zíye ndisiyé sáká 'yi e. 30 Bi nda ndisi sinyi ro 'Dowú Lomo gi zí mimengi ledre esé wá, gi zía 'Dowú Lomo bi simiyi née 'dodo go kidi karanée kadra 'deci ngbanga, Lomo ni yómo sée. 31 Idisé otoómo rará, kí bisinyi mimbé'de, kí ndisi gbúrógbó do lafú'yi e, kí 'dewe ledre zí lafú'yi e, kí mimbé'de kesi ro lafú'yi e, kí likpi, kí sógó lafúse mbá 'dá'ba. 32 Idisé idi 'yi sáká lafúse e, 'yi mengi bilamá ledre zí 'yi e, zise kí otoómo ledre zí yee ga bi mengini sée bisinyine ní, zise ndisié otoómo ledre zí 'yi e káa zí bi Lomo otoómo ledre zise ní, gi zía bi ngungusé ledre Kírésito ní.

5

1 Káa zí bi áse go owú ga bi 'bi Lomo ní, idisé 'dí'bi mimengi ledre ga bi 'bi Lomo ní. 2 Zise ndisié oto 'bú lafúse e káa zí bi Kírésito oto 'búze zía í'bi roné zí umbu do úyuné káa do 'dáná eyi gi ro zí Lomo idine kí rokinyi zía otoómo luyú ledre ezé e ní.

3 Káa zí bi goó kenée ní, idisé otoómo ledre 'bi só'do ro'yi kí 'yi ga bi ofúse rosé kéye wá

ní 'dá'ba. Ídísé kpá ótoómo miméngì ledre ga bì ngárá ndaní bilámáye wá ní, kpá kí mongú mimbé'de mbá 'dá'ba, gì zía ásé go mbigí 'yì ga bì 'bì Lomo ní. ⁴ Gba toso ódro ga bì ndìsì 'dí'biógu dokuwu ní, kí líkpì ledre cayi ga bì ngárá utúasá sáká 'yì e wá ní, ídísé ótoómo yée za mbá 'dá'ba. Nì miútúasáne zise ndìsìsé mbófo Lomo. ⁵ 'Yì mongú mimbé'de ndìsì óto mimbé'dené mbá ro éyì ga ili yée ní. Ówo yémesé bú bilámáne kídí 'yì ga bì ndìsìní méngì toso ledre káa zì ga gére ní, utúasání ndìsì kótrù royé kí Kírèsìto kpá kí Lomo do bì kìé'do wá. Gì zía 'yì mongú mimbé'de nì yì ené káa zì 'yì bì óto úndru bicayi lomo ní. ⁶ 'Yì ga bì ndìsìní méngì bisinyí ledre káa zì ga gére née, ndaní lóndo sée zise 'dí'bi ledre eyé ga gére née wá. Mimbé'de Lomo ndìsì ésì ro 'yì ga bì káa zì ga gére née miésì. ⁷ 'Yì káa zì ga gére née, ndásé óto ezegámá kéye wá.

⁸ Ga kóo 'desì ní, ndìsìsé kóo méngì ledre e simi mitùlurù káa zì 'yì ga bì owoní ledre 'bì Ngére Yésù wá ní. Bì nda ba ní, ásé go mikándasé káa zì 'yì ga bì ndìsìní ndìsì simi bimióngó ní. Gì zía ngúnḡusé ledre ené go. Miméngì ledre esé idí idí káa do bimióngó zì 'yì e. ⁹ Bilámá miméngì ledre esé nì 'dódo ma'díi ledre bì zì 'yì e méngì a ní. ¹⁰ Ídísé ndìsì méngì dujú éyì ga bì Ngére Yésù ili yée ní. ¹¹ Ndásé ndìsì méngì ledre káa zì 'bì 'yì ga bì ndìsìní ndìsì simi mitùlurù ní wá. Ídísé úku a fúo kídí ga gére née bisinyí miméngì ledre e. ¹² Abú nì komokenyí do ndìsì úkuógu ledre 'bì 'yì ga bì owoní Lomo

wá ndiṣiní méngi yé simi mituluru ní. ¹³ Simi bi uku lokoní yé go ní, zí 'yi e ówo a mbá kídí néesé lúyú ledre. ¹⁴ Ma'díi ledre 'bi Lomo ni káa zí bimióngó ní. Ndiṣi 'dódo ógu lúyú ledre sága, káa zí bi ukuní simi ke'bi simi miéké kúrú Lomo ní kídí,

“Sée ga bi simi 'bí ní, úrusé mu,
 ñnyiógusé mu gi simi umbu,

gi ro zí Kírésiṭo í'bí bimióngó mimbé'desé.”

¹⁵ Míméngi ledre esé idí idí 'bi 'yi ga bi owoní ledre bú ní, ndásé idí káa zí 'yi ga bi owoní ledre wá ní wá. ¹⁶ Togú bifúo ni go bo gi ro méngi bilámá ledre yá, idísé mu méngi a gi zía ambá 'yi e ndiṣiní nda go méngi bisinyí ledre. ¹⁷ Ídísé idí 'yi komokenzi e, zise ówo éyi bi Ngére Yésu ili zise méngi a ní, zise méngi wo. ¹⁸ Ndá éwé le'yi wá, káa bi roko'bua ni ala'dútu doyi. 'Dówú Lomo idí ala'dútu doyi ne gi ro zíyi ndiṣi méngi bilámá ledre. ¹⁹ Togú ndíkisé go kí lafúse yá, ódro ga bi niyi ndiṣi olúogu gi tarasé ní idíní idí bikinyiyé, ke'bi ga bi Dawidi ekéní yé ní, kpá kí ngiti géyi ke'bi ga bi 'bi mbófo Lomo ní, nda kí yé ga bi 'Dówú Lomo ukui'bí yé do mimbé'desé ní idísé úku yé zí Ngére Yésu. ²⁰ Kací kadra mbá, idísé ndiṣi í'bí mbofo éyi zí 'Buzé Lomo gi ro ledre e mbá kí iṛi Ngére ezé Kírésiṭo Yésu.

Kará e kí Ya'dá 'bi eyé e

²¹ Ídísé óto ledre lafúse owóowó rómo gi dosé gi zía bi ndiṣisé óto úndru Kírésiṭo ní.

²² Kára idí óto ledre o'do 'bi ené owóowó káa zí bi ndịsị óto ledre Ngére Yésu owóowó ní. ²³ Gị zía lorụ 'bi ledre e mbá ndịsị ólúógụ gị zí o'do 'bi ené, káa zí bi lorụ ndịsị ólúógụ zíze gị zí Kírésìto bi yomo zée ní. ²⁴ Káa zí goó bi kenée ní, kará e idíní óto ledre ya'dá 'bi eyé e zíye owóowó káa zí bi 'yị ga bi 'bi Kírésìto otoní ledre Kírésìto zíye owóowó ní.

²⁵ Ya'dá e, ídísé óto 'bú me'besé e dosé kíngaya káa zí bi Kírésìto oto 'búze, zée ga bi ңgunzézé ledre ené go ní. Zía í'bí roné úyuné gị rozé, ²⁶ gị ro zíze idízé mbígí 'yị ga bi 'bi Lomo ní, lúyú ledre ndaá lolụ rozé wá gị zía bi ңgunzézé ledre Kírésìto go, zía go lúguráyi zée drá káa zí 'yị bi ndugú mindúgú ní. ²⁷ Kírésìto mengị ledre née kenée gị ro zíne 'dí'biógụ zée zíne káa do mbígí 'yị ené e, ngíti owụ lúyú ledre ndaá rozé wá. ²⁸ Kpá kenée, ya'dá e idíní óto 'bú me'beyé e káa zí bi ndịsìní óto 'búye kí royé ní. 'Yị bi ndịsị óto 'bú me'bené ní, ndịsị née go óto 'búne kí roné. ²⁹ 'Yị bi sogó roné bú ní ndaá. Ndịsị ánu éyị, zía ndịsíné kí lúru bi kací kuru 'buné káa zí bi Kírésìto ndịsị lúru bi kacíze ní, ³⁰ gị zía azé go kuru 'bua. ³¹ Née sị ledre bi ni gị zía miékéne simi miéké kúru Lomo ní kídí, "O'do ni ótoómo 'buné kí mbágáne zía ófú kára zíye óto 'be 'bi eyé gị zía niyí goó éyị kíé'do." ³² Née lili ledre bi o'bu mió'bu ní, née lili ledre gị ro Kírésìto kí 'yị ené e. ³³ Káa zí bi goó kenée ní, o'do idí óto 'bú me'bené káa zí bi oto 'búne kí roné ní. Kára idí óto úndru o'do 'bi ené.

6

Owú e kí 'yi ndíki yée

¹ Owú e, ídísé úwú kúrú 'yi ndíki sée. Née ledre bi ili zí owú ga bi nḡḡuní ledre Ngére Yésu go zíye ndísiyé méngi a ní. ² Ba mizefi lorú bi Lomo uku ledre a kídí née í'bí úndru zí 'yi e gi roa ní. Uku kídí, “Ídí óto úndru 'búyí kí mbágáyí, ³ gi ro zí mindísiyí ídine bilámáne, zíyí lú'búyí mílú'bú do sogo káḡá ba.” ⁴ Sée 'bumiowú e kí mbámiowú e, ndásé ndísi méngi owú 'bi esé e bisinyíne zí mimbé'deyé ndísi ésíne wá. Ídísé 'dódo bilámá ledre zíye gi ro zíye nḡḡngu ledre Ngére Yésu.

Owúkúlú e kí mingburoko 'yi eyé e

⁵ Owúkúlú e, ídísé úwú kúrú mingburoko 'yi esé e, zíse ndísiyé óto úndruyé kí mimbé'desé kíé'do káa zí ótosé née úndru Kírésito ní. ⁶ Ndásé ndísi méngi moko kí roko'buné lá gi zí komoyé gi ro zíye ídíye kí rokinyi wá. Ídísé méngi moko kí mimbé'desé mbá gi zía ndísiyé méngi moko née zí Kírésito, née eyí bi Lomo iline kenée ní. ⁷ Ídí méngi moko eyí kí 'bú ne kpa kí rokinyi gi zía méngi moko née zí Ngére Yésu nda 'bi ené duú zí 'yima'dí wá. ⁸ Ídísé ówo a kídí Ngére Yésu ndísi í'bí tákpásílí zí 'yi bi ndísi méngi moko kí 'búne ní. Togú 'yi née ni owúkúlú togú ni 'yi bi kí ro doné ní.

⁹ Kpá kenée, sée mingburoko 'yi e ídísé méngi owúkúlú esé e bilámáne, ndásé ésí nḡri simiyé

wá, gí zía ásé kéye mbá owúkúlú 'bì Mongú 'yì esé bì nì komo ere ní. 'Yìma'dí e nìyí zía kí ledreyé mbá owóowó.

Okó kí Satána

¹⁰ Odu ledre, káa zí bì ásé 'yì ga bì 'bì Kírésìto Ngére ezé ní, idí í'bí roko'bu zise gí ro zise ndìsì tórosé ngbúó. ¹¹ Bilámá ledre ga bì Lomo i'bí yée zise ní, idísé únzù yée káa do éyì sǐlǐ ya'dá e gí ro zise ícì okó kǐe ro mani ga bì 'bì ngére 'bì bicayi lomo e ní. ¹² Okó bì ndìsìzè ícì a nées nda kí lafúze 'yìma'dí e wá. Ndìsìzè ícì okó kí Satána kí 'yì ené e ga bì i'bí roko'bu zìye, zìye ídíye do bì e za mbá do sogo káṅgá ní. ¹³ Káa zí bì goó kenée ní, idísé 'dí'bì sǐlǐse ro éyì sǐlǐse e bì Lomo i'bí ní ngbúó gí ro ícì okó kí Satána kí mani ené e, gí ro zise tórosé ngbúó káa bì nì lóndo sée ke.

¹⁴ Kací kadra mbá, idísé tóro ngbúó sìmì mbigí ledre 'bì Lomo gí ro zise idíse nzíyísé káa bì Satána nì lóndo sée ke. Káa zí bì Lomo lugurayi sée go ásé go mbigí 'yì ené e ní, idísé lánýá ro ledre nées káa bì Satána nì úkuóto ledre rosé. ¹⁵ Bilámá ledre bì Lomo yeme dongaráne kí 'yìma'dí e ní, idísé ndéré kí úku a zí 'yì e, gí ro zise idíse mbá nzíyísé ícì okó kí Satána. ¹⁶ Kací kadra mbá, idísé lánýá ro ledre 'bì Kírésìto bì ṅúṅgusé ní zía bándá sée. Togú méngísé go kenée, abú Satána uzu sée ba cù káa zí 'díya yá, útúásásé lúyú ledre wá. ¹⁷ Kpá kenée, idísé ówo a kídí, Kírésìto yomo sée go nì bándá sómù ledre esé. Ídísé lánýá ro úku kúrú Lomo bì nì kí roko'bu 'bì 'Dówù a sìmíné ní, nì rómo komo Satána. ¹⁸ Sìmì ledre ga gére nées mbá, idísé ndìsì

íni ini zí Lomo gí ro éyí ga bi ílisé yée ní, káa zí bi 'Dówú Lomo ni 'dódo yée zise ní. Ídísé ndíşì kí komosé rosé zise kpá fú ndíşì ini ini gí ro lafúse 'yí ga bi 'bi Kírésìto ní.

¹⁹ Zíse kpá ini ini gí romá, Lomo idí í'bí bilámá ódro taramá gí ro úku bilámá ledre 'bi Kírésìto zí 'yí e kí roko'bù má mbá. ²⁰ Née ledre bi onzóní máa gí roa simi sígìni ní. Lomo i'bí moko née ne zíma ndíşímá méngì a. Bi kenée ní, ídísé ini ini gí romá, zíma ndíşímá méngì moko née kí roko'bù má mbá.

Oḍu ledre gí zí Páwulo

²¹ Takíka lúndumá simi Lomo, bi 'yí méngì moko 'bi Ngére Yésu kí mimbé'dené kíé'do ní, togú ogú go zise íri yá, ni úku yéme ledre gí rozé kí ledre ga bi mándíşì méngì yée yáa ní zise íri.

²² Née sí ledre bi mákása wo zise íri gí roa ní gí ro ówoyéme ledre gí do bizé gí ro zise ídise kí rokinyi.

²³ 'Buzé Lomo kí Ngére ezé Kírésìto Yésu, idíní lúru bi kacíse gí do bi zise ndíşísé bilámáse kí óto 'bú lafúse, zise tórosé ngbúó simi ledre 'bi Kírésìto bi ngúnḡusé ní. ²⁴ 'Yí ga bi za mbá ndíşíní óto 'bú Kírésìto Yésu Ngére ezé ní, Lomo idí lúru bi kacíye.

MIKÁNDA LORU 'BI LOMO KÍ DOSÍ ÉYÍ E
Baka: MIKÁNDA LORU 'BI LOMO KÍ DOSÍ ÉYÍ E New
Testament+

copyright © 2016 Wycliffe Bible Translators, Inc.

Language: Baka

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 21 Feb 2024 from source
files dated 29 Jan 2022

9ebc1b62-650d-5302-9391-27a31d140102